



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

II. Nemini infra decimumquartum annum constituto, ecclesiae personatus
vel regimen est concedendus.

urn:nbn:de:hbz:466:1-15588

ANNO
CHRISTI
1179.
**Q V I B V S , E T Q V A N D O ,^{PARS}
ET IN QVAM AETATEM CONFERATVR^{XXV.}**
ecclesiasticum beneficium , & ad quem spectet eccle-
fiarum reparatio.

CAP. I.

Alexander III. Cantuariensi archiepiscopo.

Ex ratione commissæ tibi dignitatis , & consideratio-
ne legationis ad vniuersas ecclesias , aciem tuæ soli-
citudinis debes extendere : & quæ enormiter seu contra
iustitiam fiunt , pastorali cura corrigere & emendare : qua-
tenus de commissis ouibus in patrisfamilias præsentia ra-
tionem reddere valeas , & tibi pro labore & solicitudine
merces copiosa cumuletur in cælis. Accepimus autem
quod Couentrensis episcopus , non attendens quid sacro-
rum Canonum statuta decernant , nec modestiam ponti-
ficalem conseruans : pueris qui sunt infra decennium con-
stituti , in archidiaconatu dilecti filii nostri R. archidiaco-
ni Couentrensis , ecclesias plures conceslit , quæ non per
clericos , sed per laicos dispensantur & disponuntur. Vnde
quoniam hoc ecclesiasticae unitati est inimicum & rationi
contraritum , & non debet eatenus tolerari : fraternitati
tuæ , &c. quatenus si res ita se habet , prædictum episco-
pum super his dura increpatione corrigas & castiges , &
clericis seu ministris idoneis * custodiam præscriptarum
ecclesiarum , donec prædicti pueri ad congruam perue-
niant ætatem , omni occasione & appellatione cessante ,
laicis amotis , committas : & eidem episcopo arctius pro-
hibeas , ne de cetero ecclesias nisi personis quæ ætatem &
scientiam habeant , regendas concedat. Quod si secus fe-
cerit , ei debitam pœnitentiam infligas , & institutionem &
concessionem ipsius , omnino viribus carere decernas.

CAP. II.

Idem Cantuariensi archiepiscopo , & eius suffraganeis.

Indecorum est admodum & absurdum , ut hi debeat
ecclesias regere , qui semetipos regere non nouerunt , cum
ad regimen ecclesiarum tales personæ sint admittenda;

Concil. Tom. 27.

LIII iij

quæ discretione præmineant, & morum fulgeant honestate. Nolentes itaque sustinere, ut ad preces vel ad instantiam aliquorum, sicut frequenter solet in vestris partibus fieri, parvulis regimen committatur ecclesiarum: fraternitati vestræ, &c. quatenus nemini infra 14. annum constituto, personatum alicuius ecclesiæ aliquorum gratia vel obtentu concedere præsumatis: scituri pro certo, quod si præcepto nostro in hac parte contraire præsumperitis, quod inde feceritis, auctoritate Dei penitus irritabimus, & inobedientiam vestram grauiter puniemus.

CAP. III. *Idem decano & capitulo Sarreberiensi.*

Cum Hugo Bunet in nostra esset constitutus præsens, &c. Et infra: Nos diligentius attendentes, quod pater suus, sicut uterque recognouit, eam habuerit prius, quia perniciosum est exemplo, ut in eamdem quasi iure hereditario ei succederet: considerantes etiam, quod cum ei præbenda concedi debuit, illius ætatis erat, quod curam animalium gerere non potuit: memoratum episcopum, vos etiam & ecclesiam vestram ab ipsius impetione absolvimus, & ei perpetuum exinde imponimus silentium.

CAP. IV. *Idem.*

Distinct. p.
Ante trien-
nium.

A nobis tua discretio requisuit, vtrum is cui ante 15. annum ætatis suæ nondum Concilio quod, nuper Laterani fecimus, celebrato, ecclesiæ magisterium concessum fuit, occasione decreti, quo in Concilio eodem clericis minoris ætatis conferri ecclesiæ prohibuimus, poslit ecclesia spoliari, quam ante Concilium obtainuerat, præfertim cum ipsa concessio fuerit ab ipso diœcesano episcopo post Concilium approbata. Super quo consultationi tñ taliter respondemus, quod nisi alia causa rationabiliter obstat, occasione minoris ætatis aut decreti, quod in Concilio promulgauimus, nolumus eum a percepto ante beneficio remoueri.

CAP. V. *Idem * Lexonienſi episcopo.*

Præterea licet aliquis ad personatum parochialis ecclesiæ non debeat, nisi subdiaconus ad minus, admitti vel recipi, dispensatiue tamen in minoribus ordinibus